

**Wrkapm a  
Son  
nira kai arkekg wrkapm a kil  
nira ep pa  
Mentepm rkul yangkipm a laron  
Krais aklale pa, a rpmi riwe tu a  
laron yangkipm raimpe**

<sup>1</sup> Kupm melnum tingklaket itna ep a akwap a Maur Wailen, kupm nira wrkapm kil eng kitn kin yek a pikekg Maur Wailen takweiyeyitn eng alkilen pa, nampokgen tu warim watnom akitnen pa.\* Kupm plan ipma wor wasrongen kipm a mentepm arkul nkgwalpm ute aklale a Maur Wailen pa worwor. Ake wa kupm wris ti pa, wa tu wrongkwail a pikekg awi ariwe nkgwalpm ute aklale a Maur Wailen pa atom tu arkul aye itna pa, wa tu pa wa plan ipma wor wasrongentepm yat.

<sup>2</sup> Nkgwalpm ute aklale a Maur Wailen pa rpma wail kawor ipma a mentepm ti, a ikga ntiwo rpmi

---

\* **1:1 1:1** Tu melnum ariwe tiur pa tu akwonalmpen la wrkapm kil Son nira kai eng la kin ur aklale. Tiur pa wa lala kin pa yangkipm kla a akla mapming a kaingkai takwem rka anong a Son nira wrkapm ti kaiye pa, wa warim pa akla tu wrong kin a kipman mapming a kaingkai takwem rka pa. Wa wailen alkil a la ela mantolng wampwam yikak wraur pa, pa wa akla mapming a Son kil alkil antiwen kaingkai takwem rka ti.

yongkyong or pa kai, kolpa atom ari kupm plan ipma wor wasrongentepm ak ipma aklale.

<sup>3</sup> Mpa Yan Maur Wailen a wa Sisas Kraiss Warim Kipman a Yan alkil pa mpa tuwegk lko ipma wor reinso wa ntokg ipma amentepmen ti rki meen wor, eng mpa mentepm rkul nikgwalpm ute aklale a Maur Wailen wa plan ipma wor wasrongen tita kolpa iye kai.

*Mentepm mpa plan ipma wor wasrongen tu mla ur ai iklale*

<sup>4</sup> Kupm atopen wail eng kupm atning a tu la tu warim tiur akitnen pa tu atn a rpma a akwap katnun nikgwalpm aklale a pikekg Yan kil la titnongket la mpa mentepm kutnun pa.

<sup>5</sup> Ti kitn kin yek pa, kupm la lanikeitn kil eng mpa kipm kutnun: kil kil ake kupm niranteitn yangkipm titnongket weten ur la kitn kutnun pa kalpis. Kil kil yangkipm titnongket tingklaket a pikekg itna ak ep lmpiwen ai, a la kol kil lala, mentepm plan ipma wor wasrongen tita!

<sup>6</sup> Nikgwalpm a plan ipma wor wasrongen tita pa itna kolkil: mentepm mpa itn a rpmi ikwap kutnun yangkipm titnongket a pikekg Maur Wailen alko la mentepm kutnun pa. Pa yangkipm a pikekg kipm atning ak ep lmpiwen ai la kipm mpa itn a rpmi plan ipma wor wasrongen tita iye kolpa kai.

*Rpmi riwe tu a alokepm kai ar*

<sup>7</sup> Kipm mpa rpmi plan ipma wor wasrongen tita rpmi or pa kai, atnen a tu melnum watipmen

a pikekg atnuurng yangkipm aklale pa am kai atn yela tatu kanokg ti kaling plan yangkipm a kai raimpe ak alok tu wrong kin a kipman pa kai ar ise. Tu melnum pa tu la Sisas pa ake Krai melnum a pikekg Maur Wailen naren la ikuwi mentepm ti iye kai wor pa, wa tu ake wa ukipma la kil pikekg palng melnum kol mentepm ti pa. Tu melnum pa tu awi nikgwalpm kai Wrongmanto Antikrais, Yan Yiprokgen a alok tu melnum aye kai ar.

<sup>8</sup> Kolpa ti kipm itn a rpma ikglen kipm alkipm pa riworwor, mpa kweikwei a kipm aken kwap la ikga kipm uwi pa, ikga kai tikote. Kipm ikglen kipm alkipm pa riworwor kolpa pa, kipm ikga uwi kweikwei pa kimeket ikilmpe kwap a kipm ak pa.

<sup>9</sup> Mla ur a ake kil arkul yangkipm irir kol a pikekg Krai kaling planto pa a wa kil angkine yangkipm pa kai raimpe pa pati, pa Maur Wailen kil ake rpma kawor ipma akilen pa, kalpis. Pake mla ur a kil arkul yangkipm irir kol a pikekg Krai kaling planto pa pati, kil pa awi Yan a Warim Kipman pa yatenen rpma kawor ipma akilen pa.

<sup>10</sup> Kol melnum ur kil kai riwepm nimpokgen yangkipm a ake kai ore yangkipm a Krai kaling plan ti pa, ampur kipm ukwor awiyel aye kawor wan akipmen pa.

<sup>11</sup> Eng ntei, mla ur a kil ukwor awi melnum a kolpa aye kawor wan pa, pa kil am kai karpn nampokgen melnum pa antimprak antokg kweikwei a paipm kol a melnum pa antokg pa yat ise.

*Son la alupm alupm tu*

<sup>12</sup> Kupm yangkipm watipmen rpma la kol a nirantepm, pake kupm karken a nirantepm ela wrkapm ti, kupm wasrongen lala, ikga kupm alkupm ti kai riwepm a ntiwepm rpmi oklala pati, ikga mentepm kimeket tipra itopen tita wail.

<sup>13</sup> Kitn kin pa, men warimpwarim a wailen alkitn a pikekg Maur Wailen takweiyel a men rka kil pa, men la lanikepm la men nikgwalpm arkentepm rka wa men alkepm wor.

**Kla Weten A Maur Wailen Lam**  
**The New Testament in the main dialect of the Urim**  
**language of Papua New Guinea**  
**Nupela Testamen long tokples Urim long Niugini**

copyright © 2024 SIL Papua New Guinea

Language: Urim

Dialect: main

Contributor: Wycliffe Finland and Finnish Evangelical Lutheran Mission

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-12

---

PDF generated using Haiola and XeLaTeX on 12 Sep 2025 from source files dated 12 Sep 2025

2e27dc3a-67e0-5642-ba90-804f3df7d2c5